

# Treći Jahorina ekonomski forum okupio

## ZAPADNI BALKAN SAMO ZAJEDNO MOŽE NAPRIJED

• Pise: Vanja Bjelica-Čabrilo  
• dogadjaji@dnvni-list.ba

Ukoliko regija zapadnog Balkana ne osigura da se svi zajedno kreću i razvijaju ekonomije svojih zemalja niko u regiji neće se kretati uzlaznom putanjom, rekao je predsjednik Republike Srpske Milorad Dodik tokom otvaranja Jahorina ekonomskog foruma. Smatra kako je

došlo vrijeme da se povijest na koju svi narodi gledaju drugačije ostavi po strani, te da moraju stvarati nove i energičnije poslovne prilike.

-Regionalna suradnja je osnovni i glavni uzrok svih naših odnosa, našeg zajedničkog puta i suradnje, ocjenjuje Dodik.

Smatra kako regija zapadnog Balkana mora prestati biti prostor gdje se školuju mladi ljudi i izvoze u druge zemlje.

-Moramo osigurati stabilnost da bismo imali budućnost. Ako nemamo danas stabilnosti, neće biti ni budućnost, rekao je Dodik.

### Bez prečica

Prema Dodikovim riječima, ekonomija, nažalost, još nije centru pažnje javnosti, ali vlast u Republici Srpskoj o tome vodi računa u kontinuitetu.

Ocijenio je da Republiku Srpsku prate i dobri statistič-



ki rezultati, poput pokrivenosti izvoza uvozom koja je veća od 80 posto, sedam posto je rast industrijske proizvodnje, veća je zaposlenost, socijalna bri-

ga... Smatra i kako je potrebno izučiti nove mogućnosti povećanja plaća radi motivacije radnika i njihovog ostanka na ovim prostorima.

## Vodeće političare i ekonomiste iz regije



Ono što možemo uraditi je da ne dozvolimo da nam prošlost diktira budućnost. Moramo zajedno da radimo na boljem životu, većem standardu i prosperitetu građana, kazala je Brnabić

Ideja o carinskoj uniji predsjednika Srbije Aleksandra Vučića ima našu podršku, naglasio je Dodik i poručio kako RS već od naredne godine uvodi

ministarstvo za nove tehnologije.

Premijerka Srbije Ana Brnabić je obračunajući se na Jahorina ekonomskom forumu, istakla da moramo svi zajedno raditi kako bi imali bolji standard života.

Smatra kako su, bez obzira na brojne izazove i loše odnose koji opterećuju regiju već dugi niz godina, zemlje regije pokazale određenu dozu stabilnosti.

Među nama postoje razlike u vezi sa događajima iz prošlosti cio vijek iza nas. Iza nas su godine velikih izazova, gospodarskog urušavanja i stradanja naroda. To je ostalo iza nas i to ne možemo promijeniti. Ono što možemo uraditi je da ne dozvolimo da nam prošlost diktira budućnost. Moramo zajedno da radimo na boljem životu, većem standardu i prosperitetu građana, kazala je Brnabić. Poručuje kako regija ima europski prosperitet, ali i kako proces eu integracija nije jednostavan i brz. Smatra i kako za taj put ne treba postojati prečica već je to put na kome treba testirati svoje kapacitete, ispraviti generacijske nedostatke i modernizirati društva...

Reforme su važne za nas same pa tek onda za EU integracije, rekla je Brnabić dodavši kako zemlje regije imaju skoro iste izazove jer potječu



**Moramo osigurati stabilnost da bismo imali budućnost. Ako nemamo danas stabilnosti, neće biti ni budućnost, rekao je Dodik**

iz iste države, ali kako to može biti veliki plus u suradnji i razmijeni iskustava.

### Integracije

Hrvatski član Predsjedništva BiH Dragan Čović je istakao je značaj integriranja, inoviranja i investiranja. Podcrtao je kako integriranje ne znači samo europske integracije, te da se prije svega "moramo integrirati među sobom".

Prvo se treba integrirati unutar BiH, a potom regije, te kao takvi da očekamo integracije u EU. Naš primarni cilj

trebalo bi da budu naši susjedi na zapadnom Balkanu, poručio je Čović. Prema njegovim riječima, potrebno je i inoviranje u svakom segmentu života i rada.

-Ne postoji resurs koji koristimo koji nije podložan inoviranju. Moramo promijeniti sustav obrazovanja da bismo mogli pratiti sve što se dešava u svijetu u narednim godinama, naglasio je Čović i istakao da investiranje daje šansu da se snažnije zakorači u susjedstvo.

-Bojim se da smo prethodnih 20 godina loše koristili mogućnosti suradnje, kazao je Čović. Na trećem Jahorina ekonomskom forumu koji se održava u hotelu Termag u organizaciji Udruženja ekonomista Republike Srpske SVOT i u suradnji sa Savezom ekonomista Srbije učestvovali su brojni bh. gospodarstvenici, političari, diplomate...

Kako organizatori kažu, tema ovogodišnjeg foruma se, takoreći, nametnula sama po sebi. Naime, regionalna suradnja u svim oblastima oduvijek je predstavljala značajnu polugu ekonomskog i društvenog razvoja. Na 13 panela i tri okrugla stola okupit će se veliki broj stručnjaka koji će u razmjeni mišljenja i u iznošenju svojih iskustava i očekivanja doći do zaključaka koji će svima biti od koristi.